

dr eskimo

The musical score is written in 2/4 time and consists of three systems of music. Each system includes a treble clef staff with a melody and a bass clef staff with chords. Fingerings are indicated by numbers 1-3. Chords are labeled as Am, Em, E7, and Am. A large watermark 'HUG MUSIKVERLAGE' is overlaid on the score.

kennet dir das gschichtli scho
vo däm armen eskimo
wo in grönland einisch so
truurig isch um ds läbe cho

nämlech är het sech für zwo
fläsche läbertran es no
guet erhaltes cembalo
gchouft und hets i d'höli gno

är het dank em radio
fröid ar musig übercho
und het tänkt das chan i o
so isch är i ds unglück cho

doch won är fortissimo
gspilt het uf sym cembalo
isch en ysbär ynecho
het ne zwüsche d'chralle gno

kunscht isch geng es risiko
so isch är um ds läbe cho
und dir gseht d'moral dervo
choufet nie es cembalo
süsich geits öich grad äbeso
wi däm armen eskimo
wo in grönland einisch so
truurig isch um ds läbe chooooo